

اسلام کی روشنی

شعاری : « دینی برہمیت ، حیاتی برہمیت » در .

نیل ۱ - صائی ۱۸
۱۳ صفر ۱۳۳۳
۱۸ کانون اول ۱۳۳۰
جلد ۲
مدیری : حلیم ثابت

قرآنہ کریم

سورۃ بقرہ دن « ان الله لا يستحي ان يشرب مثلاً . . . » آیت کریمہ سنک مفہوم شریفی
[حاشیہ لی مفہوم قرآن دن] مناسرتلی رفعت صرحوم

اجتماعی علم کلام

ماہد [*]

بری برینہ اوزاق اولان زوج ایله زوجہ نك رابطه ازدواج ایله تشکیل
 وتولید ایتدکری عانله افرادی یکدیگرینه محرم اولیور . بوازدواجدن حاصل
 اولان برادره همشیره محرم اولدیغی کی ینه بوکا والد و پدرک دخی همشیره لری
 حرمت صفتی اکتساب ایدیور . بر سقف آلتده ، بر چادر ایچنده دائماً
 بر ائکده یشایان ویکدیگرلرینه بئک صیتی و صمیمی رابطه لر ایله مربوط بولنان
 بو همشیره ، خاله ، تیزه ایله برادر و برادره زاده لر آرسنده غیر مقدس
 بر فعلک وقوع بولسنه وجدان اجتماعی مساع ویرمیور . قرابت رابطه سی آزالوب
 اجتماع کسب ضعف ایتدیگی زمان بو حرمت زائل اولیور ، آرتق قدسیت
 قالمیور ، و اوزاق اقریادن اولانلر بری برلریله ازدواج ایدیبیلیورلر . طرداً
 و عکساً کوسترلیدیگی وجه اوزره بو قدسیتک منشأی اجتماعدر . قدسیت اجتماعدن
 طوغمشدر . نسله ثابت اولان حرمتک منشأی اولان بواجتماعک دیکر اسباب
 حرمتده جریان ایتمی سبب قدسیتک اجتماع اولدیغی واضحاً کوسترمکدهدر .
 رضاع ، صهریت شبه سزدورکه اک قوی اسباب اجتماعیه دندر . حججده اولان
 اجتماع ایسه عمومی اولدیغین بوراده قدسیتک تجلیسی دخی بر عانله آرسنده
 اولدیغی کی محدود اولیور عمومی وکلی اولیور . احرامه کیرلیدیگی زمان اجتماع
 اک عمومی و صمیمی بر شکل المقاء هر کسجه غیر مقدس فعللر تاممله ترک اولتیور .
 شأیت مقدسه نك بروزی هر شئی از نو تدریور . الوهیت یالکز نور الوهیت
 موج اوریور بریرندن قیل قوپارمق ، طرناغنی کسمک کی انسانک
 کندیسنه عاند و حرم داخلنده بولنان اغاجی کسمک و حیوانی اولامق ورفیقه سنه
 مقارنت کی کندیسنه عاند اولیان فعللر حرمت صفتی اکتساب ایدیور .
 چوتکه هر شیده قدسیت تجلی ایدیور . اوراده آیری آیری افرادده موجود
 اولیان عظیم بر روحانیت ظهور ایدیور . منطق نظری یه توره هر کل اجزاسنک
 هیئت مجموعه سنه مساوی ایسه ده بر چوق خصوصده هیئت مجموعه افرادک مجموع .

[*] اوست طرفی اون بشچی صایدهدر .

عندن فضله برشیدر . هیئت مجموعہ یکان یکان افرادہ بولنمیان بر خاصیتہ مالکدر . متفرداً اولومدن تیرہین فردلرک اجتماع حالده بر آلائی ویا بر طابور ایله قورشون یا غمورلرینہ، کله ییلدیرملرینہ کوکس ویرہرک قوشارلر . قاربون ، مولدالماء ، مولدالموضہ ، آزوت دنیلان مادہلرک هیچ برندہ حیات خاصیتی اولدینغی حالده بونلرک امتزاجی [بر وتویلازما] بی تشکیل ایتکده در . دیمک کہ هیئت مجموعہ دائماً یالکز افرادہ مساوی اولیوب اولنردن فضله بر ماہیتی جائزدر . حیاتیاتدن کوستردیکمز شو مثالده کی اجتماع وامتزاج مادہ مصورہ اولی بی تولید ایتدیکی کبی (علم اجتماع) دخی طویلائے نیک منشأ قدسیت اولدینغی ، قدسیتی تولید ایتدیکنی ایضاح ایلشدر .

[یدالله مع الجماعة . ولا تجمع امتی علی الضلالة] نیک ضامن برائی هیچ شبہه یوقدرکہ اجتماع در . چونکہ اجتماعک وقوعی قدسیتی تولید وتأمین ایتمش اولغله اجتماع ضلالتدن اوزاقلاشمش ویداننہ او جماعتی تأیید وتقдіس ایلشدر . بعض زاهدلر اتزوا و جماعتدن ابا ایدہرک ظاہراً منفرد یشامقلہ تقدس ایدیورلرکی کورینورلر سده ینہ اونلرک منظرلری وجدان اجتماعدر . نظرلری اجتماعک مولودی اولان قدسیتہ ، حیات قدسی یه معطوفدر . قدسیتہ منافی اولان مقارنت ، اویومق وسائرہ کبی فعللری ترک ایدہرک تقدس و تالہ ایدرلر . اجتماعک معنوی بر قوہ تأییدیہ سی اولدینغی جماعتلہ قیلنان ینمازلردہ پک میدانده در . جماعتلہ ادای صلاتدن صکرہ قلبده بر انشراح دویماق قابل دکلدر . هر مؤمن جامعدن بر تخفہ غیبیہ نائل و قورقورلری زائل اولمش اولدینغی حالده چیقار . بوقوہ تأییدیہ نیک جماعتک مشترکاً السہی ودعالراوقومہ لر یله آرتہ جغندہ شبہه یوقدر . نته کیم رمضان کیجہلری (ترویجہ) اثناسندہ مشترکاً اوقونان السہی وتمجیدوتسییحلرک نہ قدر روحانیت تولید ایتدیکی هر کسجہ معلومدر . والحاصل بتون قدسیتلرک روحی ، مولدی اجتماعدر . حیات دینیہ مزہ حرارت ویرمک ایچون دینی اجتماع و اختفالنرہ اهمیت ویرمہ مزہ لازمدر .

دارالخلافة العلیہ مدرسہ سی تفسیر مدرس لرندن

شرف المریدہ